

ENTIERO DIAHUEBS ATARDI DI FRÈRE ALEXIUS



ORANJESTAD (AAN): Diahuebs 11 di maart 2004 a tuma lugar na e Parochiekerk van de Heilige Laurentius na Maasland, Roermond e ceremonia eucharistico y entierro di Broeder Ren Peijle miho conoci na Aruba como Frère Alexius.

E ceremonia di missa tabata sumamente emocionante cu canto di e koor di Broeders van de Congregacion di Broeders van de Christelijke Scholen na cual Frère Alexius a pertence. E missa a wordo atendi pa un gran cantidad di per-

sona entre nan familia, religioso, amigonan di Hulanda y Aruba y representante di Gobierno y pueblo di Aruba, Ministro Plenipotenciario Sra. Ella Tromp-Yarzagaray y esposo hunto cu miembronan di su Gabinete na Den Haag. Tambe representantenan di De Trupialen tabata presente y di Aruba a bini especialmente pa e ocasion tristo aki Sr. Rene Herdè. Mas emocionante tabata momento di hiba palabrnan di parti di e Broeders door di e Broeder Provincial Aad van



Bentem, pa Gobierno di Aruba, Sra. Tromp-Yarzagaray y pa De Trupialen, Sr. Rene Herdè. Tabata difícil pa contene e legitieman ora e orandon tabata recorda e bida, dedicacion y amor cu cual Frère Alexius a taha pa Aruba y su huentenan pa 25 aña.

Durante di e ceremonia di Misa e 'Nou Taro' di Hilward Croes a wordo canta acapella pa Maikito

Croes, mientras cu Miembronan di De Trupialen a canta Himno di De Trupialen y Grandi Bo ta.

Un gran cantidad di persona a acompaña e procesion funebre pa e santana di e Parochia di Heilige Laurentius. Despues di bendicicion den santana tur presente a canta Himno di Aruba. Sra. Tromp-Yarzagaray a haci entrega di e Bandera di Aruba na e familia mien-

tras cu Sr. Rene Herdè a haci entrega di Bandera di Aruba y simbolo di De Trupialen na e Broedernan. Despues di e entierro tabata tin oportunidad pa bebe koffie hunto cu e familia y amigonan caminda Sra. Tromp-Yarzagaray a combensa cu tur e Frèrenan cu den pasado a traha na Aruba y a gradician pa tur local nan a significa pa e pueblo Arubano.

